



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

CXLVII. Indulgentia plen. perp. in Festo S. Petri de Alcantara pro Ecclesiis  
Fratrum Minorum Conventualium.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

& Civitatis de Cuquifache respective nuncupat., nempe exigendi majorem elemosynam pro Defunctis, qui in Ecclesiis Parochorum, & Presbyterorum secularium ibidem sepeliebantur, ac rursus fragandi super ipsos functiones generales super Defunctorum Cadaveribus, quæ in eorumdem Fratrum Ecclesiis tumulabantur, postquam ipsa cadavera ad eorum Ecclesias pervenerant, & tandem ingrediendi suas Ecclesias occasione dictorum funerum, & aliorum similium, ideoque ad removenda scandala, assidue discordias, quæ in dies oriebantur pro parte ejusdem Bernardini Procuratoris Generalis eidem Congregationi Cardinalium supplicato, ut super præmissis in omnibus, & singulis Ecclesiis supradictæ suæ Provinciæ, eodem modo, quo ad favorem eorumdem Presbyterorum, seu Clericorum Societatis prædictæ in partibus Hispaniarum, & Indiarum provisum fuerat, ut præferret, provideret, Decretaque ad eorum, & aliorum favorem edita, ad dictas Ecclesias memoratæ Provinciæ S. Joannis Baptistæ, & signanter Oppidi de Potosi, & Civitatis de Cuquifache Provinciæ, & Ordinis hujusmodi in posterum eadem forma exacte, ac si ad eorumdem Fratrum Prædicatorum Provinciæ Oppidi, ac Civitatis prædictorum favorem emanassent extendi, ac observari, ac executioni demandari præciperet. Emanavit ab eadem Congregatione Cardinalium Decretum tenoris, qui sequitur, videlicet -- Sacra Congregatio Eminentiſſimorum, & Reverendiſſimorum S. R. E. Cardinalium negotiis, & consultationibus Episcoporum, & Regularium præposita, attentis, narratis, ac referente Eminentissimo S. Priscæ, censuit, ac decrevit danda esse Decreta alias edita, & signanter illud emanatum sub die 6. Maji 1672. ad instantiam D. Aloñsi de Alarcos Procuratoris Generalis Hispaniarum, & Indiarum Societatis Jesu, videlicet -- Sacra &c. Oratoris precibus benigne indulgens, censuit dandas esse petitas declarationes sæpe alias editas, easque etiam in prænaratis Ecclesiis Societatis esse observandas, nimirum Parochis in associatione, sive occasione associationis cadaverum non licere ingredi Ecclesias Regularium, sed teneri dimittere eadem cadavera ad januam Ecclesiarum ibique solum posse benedicere, & dare ultimum vale. Officia vero, & alia munia, quæ in hujusmodi ministeriis adhiberi solent, ab ipsis Regularibus peragi debere, non autem a Parochis. Episcopos, seu Ordinarios locorum permittere non debere, ut Parochi, aliique de Clero seculari majorem elemosynam sibi attribui faciant ab hæredibus Defunctorum, qui in Ecclesiis Regularium sepulturam sibi elegerint, quam percipere possent, si in Parochiali, seu alia ipsius Cleri secularis Ecclesia sepeliri voluissent. Functiones Funeralium super cadavera Defunctorum, quæ in Ecclesiis Regularium contingit sepeliri, postquam ad easdem Ecclesias pervenerint, ad ipsos Regulares, non ad Parochos pertinere. Contrariis quibuscumque circa supra scripta omnia minime obstantibus. Romæ 24. Aprilis 1716. F. Cardinalis de Abdua Archiepiscopus Damascenus Secretarius.

§. 1. Cum autem, sicut dictus Bernardinus Procurator Generalis Nobis subinde exponi fecit, ipse Decretum hujusmodi, quo firmis subsistat, & servetur exactius Apostolicæ confirmationis nostræ patrocinio communiti summo-pere desideret. Nos ipsius Bernardini Procuratoris Generalis votis hæc in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & pænis, a jure, vel ab homine, quavis occasione, vel causa latis, si quibus quomodolibet innodatus existit ad effe-

ctum presentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, Decretum præinsertum auctoritate Apostolica tenore presentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate præfatæ Congregationis Cardinalium.

§. 2. Decernentes easdem presentes literas, firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, plenissime suffragari, & ab eis respective inviolabiliter observari, sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere; ac irritum, & inane, si secus super his a quodquam, quavis auctoritate, scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die III. Junii MDCCXVI. Pontificatus nostri Anno Decimo-sexto.

Confirmatio  
relati Decreti.

Clausula.

REV. V. C.

CXLVII.

Dat: 29. Junii  
1716. An. 16.

Exordium

Præces Procurator. Gen.

Concessio præd. Indulgentiæ.

Clausula.

mus.

Decretum præd. 1716. quo extenduntur relata Decreta etiam ad Provinciam S. Joann. Baptistæ.

Conceditur Indulgentia plen. perp. in festo S. Petri de Alcantara pro Ecclesiis Fratrum Min. Conventualium.

Hæc Indulgentia pro Ecclesiis totius Ordinis concessa fuit a Clem. X. Const. ed. 1670. Maji 11. P. 1. Item ab Inn. XII. Const. ed. 1695. Aug. 18. P. 5. alia plenaria pro Ecclesia Civitatis Assisient. & a Bened. XIII. Const. ed. 1724. Jun. 5. P. 1. ubi de Canonizatione B. Carbarina a Bononia.

CLEMENS PAPA XI.

Ad perpetuam rei memoriam.

Injunctæ Nobis divinitus Apostolicæ servitutis ratio postulat, ut cælestium munerum thesauros dispensationi nostræ a Domino creditos fideliter erogemus, cum id ad augendam in Terris Sanctorum in Cælis cum Christo regnantium venerationem, excitandamque, & fovendam erga illos fidelium devotionem, ac ad animarum salutem speramus in Domino profuturum.

§. 1. Supplicationibus itaque dilecti filii moderni Procuratoris Generalis Ordinis Fratrum Minorum Sancti Francisci Conventualium nuncupatorum nomine Nobis super hoc humiliter porrectis inclinati, ac de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis utriusque sexus Christianis vere poenitentibus, & confessis, ac sacra Communionem refectis, qui aliquam ex Ecclesiis quorumcumque Conventuum dicti Ordinis tam hætenus erectis, quam in posterum quodcumque erigendis, ac ubicumque locorum existentibus die festo Sancti Petri de Alcantara, a primis vespertis, usque ad occasum solis diei hujusmodi singulis annis devote visitaverint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione, piis ad Deum precibus effuderint, plenariam omnium peccatorum suorum Indulgentiam, & remissionem misericorditer in Domino concedi-

Præces Procuratoris Provincie.

mus. Præsentibus perpetuis futuris temporibus valituris.

§. 5. Volumus autem, ut earumdem præsentium literarum transumptis, seu exemplis, etiam impressis, & sigillo Personæ in Ecclesiastica dignitate constitutæ munitis, eadem prorsus fides ubique habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXIX. Julii MDCCXVI. Pontificatus Nostri Anno Decimosexto.

CXLVIII.

Reservatur Summo Pontifici dispensatio a Voto perseverantiæ pro Congregatione Clericorum Doctrinæ Christianæ.

*De dispensatione Voti, ac juramenti horum Clericorum vide Inn. XII. Const. ed. 1699. Jun. 23. P. 8. De suffragio deliberativo pro Definitorum adjuncto hujus Pontificis Const. ed. 1714. Jun. 11. P. 14. Et Bened. XIII. Const. ed. 1723. Nov. 24. P. 1. extat eadem reservatio pro Congregatione in Regno Neapolitano.*

Dat. 28. Sept.  
1716. An. 16.

CLEMENS PAPA XI.

*Ad futuram rei memoriam.*

In Capitulo Gen. 1715. decretum fuit, ut Novitii emitterent stabilitatis votum, ejus dispensatio spectaret ad Rom. Pontificem.

EXponi Nobis nuper fecerunt Dilecti Filii Præpositus, Diffinitores, ac Presbyteri Congregationis Doctrinæ Christianæ de Urbe, quod ipsi ad augendam, & conservandam eorum Congregationem in Capitulo Generali die 14. Maji anni proxime præteriti habito, illique præsentem dilecto filio nostro Francisco Maria Casini tituli Sanctæ Priscæ S. R. E. Presbytero Cardinali Sanctæ Priscæ nuncupato Visitatore Apostolico Congregationis hujusmodi a Nobis deputato decreverunt, ut de cætero Novitii post probationis annum votum stabilitatis, cujus dispensatio Nobis, & Romano Pontifici pro tempore existenti reservata sit, emittere teneantur. Nobis propterea humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

Preces Congregationis.

§. 1. Nos igitur dictos Exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine, quavis occasione, vel causa latis, si quibus quomodolibet innodatæ existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium Concilii Tridentini Interpretum, qui ad Dubium propositum, an & quomodo prælatorum exponentium precibus esset indulgendum in casu &c. affirmative pro ingressuris tantum, responderunt consilio, dispensationem super dicto Voto perseverantiæ Nobis, & Romano Pontifici pro tempore existenti dumtaxat auctoritate Apostolica tenore præsentium reservamus, & quatenus e dicta Congregatione sine dispensatione hujusmodi egrediantur ab exercitio Sacrorum Ordinum suspensi remanere debeant, salva tamen semper in præmissis auctoritate Congregationis eorumdem Cardinalium.

Reservatio d. dispensationis pro ingressuris tantum secundum Congregationis Concilii Decretum.

Clausula.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit, inviolabiliter observari: sicque in præmissis per quoscumque Judices Ordinarios, & Delegatos, etiam

Causarum Palatii Apostolici Auditores judicari, & definiri debere; ac irritum, & inane si secus super his a quoquam, quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon dictæ Congregationis Doctrinæ Christianæ, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore mansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die XXVIII. Septembris MDCCXVI. Pontificatus nostri Anno Decimosexto.

Conceditur Provinciæ Silesiæ Monachorum Cisterciensium communicatio Indulgentiarum totius Ordinis, & Monasteriorum Superioris Germaniæ.

CXLIX.

*Eandem communicationem quinimo ampliolem vide concessam pluribus Provinciis Const. ed. 1715. Mar. 7. P. 15. Et Bened. XIII. Const. ed. 1728. Jan. 25. P. 5. confirmantur privilegia Ordinis.*

CLEMENS PAPA XI.

*Ad perpetuam rei memoriam.*

PASToralis officii, quod Authore Deo gerimus, debitum exigit, ut paternam Christifidelium divinis obsequiis sub suavi monasticæ vitæ jugo mancipatorum curam gerentes, felicibus eorum in via Domini progressibus, quantum Nobis ex alto conceditur, consulere jugiter studeamus.

Dat. 8. Oct.  
1716. An. 16.

Exordium.

§. 1. Cum itaque, sicut dilecti filii moderni Visitator, & Vicarius Generalis, alique Prælati Provinciæ Silesiæ Ordinis Cisterciensium. Nobis nuper exponi fecerunt, ipsi privilegia, gratias, & indulta quibus dictus Ordo Cisterciensium, ejusque Monachi Germaniæ Superioris fruuntur, sibi, ac omnibus dictæ Provinciæ Monasteriis, quemadmodum aliis Monasteriis Ordinis hujusmodi a Sede Apostolica concessum fuisse memoratur a Nobis communicari plurimum desiderent. Nos ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine, quavis occasione, vel causa latis, si quibus quomodolibet innodatæ existunt ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui relationem dilecti, etiam filii moderni Procuratoris Generalis dicti Ordinis super præmissis eisdem Cardinalibus factam attenderunt consilio, enarratam communicationem privilegiorum quoad Indulgentias tantum prædictis Prælati, & Monasteriis Provinciæ Silesiæ hujusmodi, auctoritate Apostolica tenore præsentium concedimus; salva tamen semper in præmissis auctoritate Congregationis eorumdem Cardinalium.

Preces Prælatorum pro privilegiis universis.

Concessio quoad Indulgentias tantum.

§. 2. Decer-